



VIRO

**PLVRIMVM REVERENDO, AMPLISSIMO,
DOCTISSIMOQVE**

D O M I N O

M. IOANNI AVGVSTINO

EGENOLFF

NOVVM

**DIACONI ET COLLEGAE EXTRAORDINARI
MVNVS,**

QVOD INGRESSVS EST,

DIE III IDVVM AVGVSTI

A. O. R. MDCCXXXVIII.

GRATVLATVR

**IOANNES FRANCISCVS ENGELBERTVS
DE FINANCE**

IN ILLVSTRI SCHOLA PORTENSI

**LINGVAE GALLICAE PRAECEPTA
TRADENS.**

NVMBV RGI,

TYPIS BALTHAS. BOSSOEGELII, PRIVIL. TYPQG.





* * *

rodere, quos hilari volvis sub pectore plausus,
Laeticis numeris, nunc age, Musa, decet!
Prome igitur plectrum, longo velut excita fomno,
Et fruere hic vatium rursus, aperta, choris!

Hic vir hic est, reticere nefas est cuius honores,
Quos in Portensi fuscipit, ecce! schola.
Huius in adventum concessaque munera carmen,
Si faveant Musae, composuisse velim.
Tarda, quidem officium iam nunc se cingit ad istud.
Non tamen hinc fero nostra Thalia venti.
Quae veniunt, tarde, nunquam, si seria, fero:
Sicque dabis veniam, VIR VENERANDE, mihi.
Non ego TE noram, nostrae quum moenia Portae
Intrares: sane nec TIBI notus eram.
Sed simul ac novi, quam sit TIBI vivida virtus,
De coelo missum protinus esse puto.
Nec vanum augurium: non me spes irrita fallit,
Ista nec incassum verba secunda loquar.
Ingenii vis summa TVI, et solertia, testes
Sunt mihi, quo verbis credar inesse fidem.
Haec SALANA suis stupet inclita MATER ALVMNIS:
Dudum his debuerant praemia digna dari.
Hoc erat, eximiis quod erat fas artibus addi,
Unde magis Clario notus honore fores.
Maximus eloquii Romani Tullius auctor
Creditus est, donec Roma superba stetit.
Postea facundas scandens Chrysofotomus arces
Dicitur, ipse ingens hinc habuisse decus.

Digna pari cui non facundia laude videtur,
Quae liquido cursu profluit ore TVO?
Caetera dona TIBI si deessent forte creato,
Una ea pro cunctis posset adesse TIBI.
Sed cum nec reliquum faulrix natura negavit,
Ingenio, in studiis, et simul arte vales.
Quid memorem egregios (potes his et vincere multos)
Quos, in TE, mores dexteritate probas?
Quid mite ingenium, faciem frontemque serenam,
Nec tamen insigni quae gravitate caret?
Additur his pietas, cui sunt coelestia curae,
Quae non culpata pectora labe notat.
Additur huc et iusta fides, pretiosior omni
Quae magis est dono: rara sit ista licet.
Rara adeo, ut toto vix inveniantur in orbe,
Quois, nisi vis falli, fidere iure potes.
Non, si cuncta velim, breviter describere possem,
Quae dotes animi sunt, EGENOLFFE, TIBI.
Non ego fuscipiam (namque hic labor irritus esset,)
Virtutes cunctas commemorare TVAS.
Namque nimis multae, quas pagina prendere posset
Parva, nec his digno condecorata stilo.
TE satis atque super commendat copia larga
Doctrinae, primum quae referenda fuit.
Quicquid habet Latium, prisca memorabile chartis,
TE didicisse iuvat, Graecia quicquid habet.
Quaecunque et nostris docti sibi cognita reddunt
Temporibus, pulcro pectore fixa sedent.

Tam raras animi dotes celeberrima Porta
Admirans tacite fuscipit atque probat.
His pretium iustum studiis sacrata iuventus
Portensis statuit, magnaue iure facit.
Illorum spes magna animos et pectora nutrit,
Plurima quod de TE commoda ferre queant.
Suggestus cathedraeque simul TVA dogmata sacra,
Quae profers, avidis auribus excipiunt.
Me quoque spes non vana subit, verum excitat ingens,
Hinc capere in primis emolumenta queam.
Namque salutasti cum primum limina Portae,
Sum TIBI visus ego dignus amore TVO.
Deinde etiam manifesta mihi TV signa dedisti,
In me quod magnus sit TVVS usque favor.
Hoc me perge, precor, complecti semper amore:
Non ego, crede mihi, deses amicus ero.
His etiam, quae, sincero compulsus amore,
Composui, metris, qualiacunque, fave.
Ecquid adhuc pietas his addet, pectora tangens?
Quid? nisi, quae restant, addere vota, iubet.
Vive diu, longumque vale, salvusque senesce,
Delicium Portae, VIR VENERANDE, TVAE.
Gratia larga DEI, favor, et clementia coelo,
Responsura TVIS, defluat, auspiciis.
Fallor? an e coelo iam vox defertur in auras
Laeta sonans: VOTI SIT RATA SVMMA TVI!

*

*

*

78 M 496

ULB Halle 3
001 618 148



TA-506

KONP

017





VIRO
 PLVRIMVM REVERENDO, AMPLISSIMO,
 DOCTISSIMOQVE
 D O M I N O
 M. IOANNI AVGVSTINO
 ENGELFF

NOVVM
 COLLEGAE EXTRAORDINARI
 MVNVS,
 VOD INGRESSVS EST,
 DIE III IDVVM AVGVSTI
 . R. MDCCXXXVIII.
 GRATVLATVR
 FRANCISCVS ENGELBERTVS
 DE FINANCE
 VSTRI SCHOLA PORTENSI
 GVAE GALLICAE PRAECEPTA
 TRADENS.
 NVMBV RGI,
 ALTHAS. BOSSOEGELIL, PRIVIL. TYPQG.

